



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко” Крыница.

Всіх читателей, котры не вплатили ише пренумераты, просиме выровнати якнайскорше рахунки.

Ише ест на складі **Календар „Лемка” на 1936-ый рок.**

Ціна одного календара выносит **50 гр.** При замовленях 10 календарей оплату почтову платит редакция.

Пренумерата в краю:
30 грошей місячно,
80 „ квартално
1.50 „ полрочно,
3 зл. рочно.

В Амерыці: 1 дол. рочно.

В Чехословакии:
2 кор. місячно, 10 кор. полрочно,
20 кор. рочно.

Ціны оголошень:
Ціла сторона 120 зл., 1/2 сто-
роны 60 зл., 1/4 стороны 35 зл.,
1/8 стор. 20 зл., 1/16 стор. 10 зл.;
оголошеня малы за 1 мм. 20 гр.,
в тексті 30 гр., перед текстом
40 гр. При місячном и долшом
оголошеню значна знижка.

Конто чекове Нр. 404.155.

Администрация служит потребам и интересам населения.

Заряджене Министра Внутренних Діл.

Министер Речкевич подписал в tych днях обіжник, маючий велике значенє для людей, якы маюот до уладженя якинибудь справы в бюрох державной администрации.

Заряджене Министра кладе великий натиск на захованє доброжелательных отношень урядоа до потреб населеня и глубоко зрозумілого публичного интереса, поручаючи давати населеню всякы возможны льготы и сторонити от всього того, што могло бы населенє вычути яко утруднянє, або докучанє. В особенности уряды маюот выстерегати ся всякого бездушного формализма, численя ся с выгодами уряду, ци тыж другыма взглядами убочныма. В уладжаню всяких діл уряды маюот поводити ся правдивым сенсом приписов, то значит их проводном думком, котром руководил ся законодатель, а не сенсом мнимым, вынікаючим с формального бюрократычного розумленя параграфов, законов и заряджень.

Урядник мусит числити ся с трудностями, якы має до переборотя населенє, сполняючи ставяны єму жаданя. Он мусит числити ся с тым, же не оден добрый гражданин, не знаючи приписов, пополнят нераз хыбы, н. пр. поданє заадресує до иншой власти, або єго зле уложит и т. д. Зарядженє тото бесідує выразно, же в таких случаях уряды сут обовязаны пересылати ошибочно заадресованы поданя до властивых властей, а не звертати их адресатови.

Обіжник тот вводит одну користну для селян новост, а именно урядники сут обовязаны принимати поданя, диктованы устно, што вplyне в значной мірі на непосредне зближенє ся населеня и сельских потреб до администрации, а также усторонит ріжных посередников, бюро писаня подань и т. д.,

котры до тепер обтяжали населенє непотребныма, добавочныма выдатками. Поза тым Министр поручат уряджати якнайчастійше службовы выізды, делегации и т. п., котры выїзджаючи на село, зближаюот ся непосредно с потребамы населеня и ошаджаюот населеню коштов подорожи до урядов. Завзыванє населеня до урядов в ціли складаня пояснень буде ограничено до крайности, а в каждом случае завзыванный человек буде подробно поинформованный, в якой справі ест взыванный и в яком характері, штобы мог отвітно приготовити ся и забрати с собом потребны документы.

При уладжаню діл має быти примінена скорость, простота, цілевост и возможно заощадженє населеню втраты часу и коштов. В случае негативного уладженя подань, аж и таких, котры сут зависимы от свободного возрїня, обіжник поручат давати заинтересованным ясны и зрозумілы причины отказа. Специальну увагу звертат обіжник на зажаленя и поданя зборны, заосмотрены в численны подписы, поручаючи тоты справы поддавати скрупулятному розсмотреню, хоц бы само поданє зредаговане было неформально.

Всі зарядженя выданого обіжника кладут энергичный натиск на примінянє таких форм діяльности бюр администрации, штобы вырably они переконанє у населеня, же урядники дбаюот о добро населеня и публичный интерес, не щадячи власного труда и усилий.

Урядник должен не допустити до ничого такого, што можна бы ошибочно зрозуміти, яко несправидливост, або самоволю и што могло бы выкликати неохоту и жаль до державной администрации и Державы. Розвиваючи консенквентно акцию начату те-

перешным Премиєром М. Зындрам Косцялковским Министр Вн. Діл выдал обіжник, котрый с певностью приймут радостно широки круги населеня.

Талергофске кладбище.

Австрийске попечительство военных могил в Грацу повідомило Центральный Талергофский Комитет во Львові, што в місяці марті приступат до ликвидации Талергофского кладбища, бо місце тото ест потребне до войсковых цілей. Тлінны останки наших русских мучеников маюот быти вышмарены до села „Feldkirchen” (2 км. од Талергофа).

В отвіт на тото Центр. Талергофский Комитет отповіл, што просит о выбранє на цмынтері в „Feldkirchen” лучшего місца для талергофских мучеников, дальше, штобы могила была обетонована и означена отвітным написом, а оден талергофец штобы был погребанный рядом, але особно (бо єго перевезе ся до Львова) и штобы при том присутствовал делегат Ц. Талерг. Комитета.

В звязи с тым Центр. Талергофский Комитет звертат ся до вшитких русских людей, котры чтят мамяť своих народных мучеников с просьбом о пожертвованя на высылку делегата до Талергофа, котрый допильновал бы справы перенесеня тлінных останков, устройства братской могилы и привез одного с погибших на родну землю.

Лемкы! Ци не дрогне ваше сердце, як перечитате перши слова нинішного повідомленя? Ци не закыпит в нас кров на вид того, што аж и оттамаль с „под сосен” вышмаряюот тых, котры за наше, руске имя жите своє отдали? Ци не впал бы на нас горкый проклон наших дітей и грядущих поколінь за тото, што не припильновали мы

справы, котром Ц. Тал. Комитет ма намір заняты ся и не помогли му?

Талергофцы, діти, внуки, братя и сестры Талергофцов и вы шиткы в ком бє ся ище руске сердце, если лем можете, откликнитесь ся на призыв Талерг. Комитета и пошлите свои лепты, але сейчас, — бо буде поздно Тямте, што история нам того не забуде!

Жертвы належит посилати: Центр. Талергофский Комитет, Львов, ул. Бляхарска 11

Най буде там, при перевезеню, хоц оден наш представитель; най хоц он, за нас шиткых, своим слезом зросит нове місце вічного сну наших русских страдальцов и прошепче им „вічну намять”...

До діла шиткы!

Р. М.

Соя и користи с ней в домашном господарстві.

Соя належит до рослин стручковых, одно-рочных. У нас начали ю плекати аж по войні и єст уж килька гатунков сои добре дозріваючой в нашем климаті.

Зерна сои, кормлены азотныма бактериями-взбогачают землю в азот, дают добру солому и зерно богате в кормовы складники, охотно через людей и живину приниманы. Зерно єст подобне до зерна фисолы и дає ся в домашном господарстві всесторонно спотребовати. Єст оно богате в білко и має в собі много, бо 14 до 18 процент толщу, поза тым має немного мучкы, много витамин и ріжных складников органичных и минеральных.

Зерно сои єст придатне в ріжных видах. Ріжны роды добрых зуп, ярина, салаткы, тіста, а также каву и т. д. можна мати с зерна сои. Особенно смачна и здорова єст кава с сои, а также соевый олій. Муку со сои уживат ся яко додаток до житной або пшенной муки при печеню хліба. Отрубы мают таку саму кормову вартость, як хлібны.

В нашем климаті удає ся найлучше соя

виленска, бура и жолта, вчасна Пулавска. Соя защеплена азотныма бактериями дає о 50 до 400 проц. лучший плод. Щепити сою можна через змоченє зерна щепьонком перед самым засівом, або при помочи земли, в котрой находят ся бактерии сои. Посілаючи уж поле с соєвыма бактериями можна уж легко други поля защепити — перевозячи на яр землю с поля, на котром росла соя на поле не защеплена (3 до 5 сотн. на 1 морг). Сою сіє ся при конци квітня або в началі мая.

До кухні найлучше надає ся бура соя (брунатна). Треба ю сіяти по окоповых, на полях добре насонеченых, заслоненых убочностью грунту, плотом, будынками або деревами от полных вятров.

Кажда газдыня повинна сіяти у себе хоц лем мало сои. Сіє ся рядами в отступах 30—35 см. як фисолу по 2—3 зернят разом.

Смак сои зависит от точного вымытия зерна перед его ужитєм. Мыти сою треба в горячей воді пару раз, причом сходит со сои фарба и страва достає лучший смак. По вымытю треба сою намочити в літної воді — варити на слабом огні 2—3 години. Приписы на стравы с сои, а особенно знамениты тісточка, подаст ся в отвітном часі.

Крыница упадат.

От часу світовой войны начал ся повольный але стальной упадок крыницкых маєтков. Упал маєток громадский (громада мала власну касу о основном капиталі числячом понад 50,000 кор., котра упала через девальюацию грошей), упал єще больше маєток ерекциональный, котрым в часі войны и по войні аж до послідных літ никто ся не опековал. Недостаток опеки со стороны наших церковных властей допрывадили до того, же найкрасши площади, якы мало приходство в Крыници, вывласнено для потреб курацийных. Зроблено тото легко, бо площади тоты были незабудованы а не забудовано их прото, бо епископы

перем. як бы нарочно не хотіли затвердити жадного контракта державы, помимо, же рефлектантов на державу, котры хотіли будовати або перевести ремонт в старых домах было много и давали добры условия. Правительство заплатило за вывласнены площади суму около 300.000 зл. и тоты гроши лежат в Комун. Касі Ощад. в Крыници и в Касі Ощад. міста Нового Санча, а книжечкы на тоты гроши находят ся в перехованю Апостольского Администратора в Рыманові, котрый на основі конкордата являт ся пароком всіх парохий.

Крыница втратила на той трансакции, бо на одной с вывласненых площ стояла вила „Тыгрыс”. а на другой базары, с котрых наши священники мали якысы доходы и могли с тых доходов нераз сами покрыти кошты малых репераций. Днеска ніт ничого, а дом приходский и церков находят ся в таком стані, же Здроева Комисия уважала за отвітне вглянути в тото и по переведеню комисийного слідства на місци, выдала порученє перевести грунтовный ремонт будынков церковных в Крыници-селі, предвиджуючи в разі упору ріжного рода рыгоры.

Церковный комитет рад бы потребный ремонт перевести, бо всі видиме, же так церков, як и приходский дом потребуют на гвалт направи, але откаль взяти гроши. По перше тых грошей люды не мают, а по друге, была бы для нас велика кривда, як бы мы по таких великих втратах, где с великого маєтку, остало нам лем кус пінязчат, мали и тоты пінязі загырити. Одержаны с вывласненя гроши должны в першой мірі служити потбебам Крыници, ей церкви и церковному маєткови. То сут крыницкы гроши без взгляда на тото, кто нима заряджат, бо походят с крыницкого маєтку. Найлучше было бы часть тых грошей ужити на переведенє потребного ремонта крыницкой церкви и приходского дома, а за решту побудовати або купити в Крыници дом, штобы крыницкий маєток не марніл. Такой дом єст в Крыници тым больше

Мысли о прошлом и теперешном.

(Продолженє)

На всьо сут способы, особенно у людей хыстрых и ловкых. Коли „москалі”, занявши Львов, оставляли єго в спокою мимо, што знали о єго давных „похождениях”, граф Шептыцкий упомнул ся сам о мученический вінец.

В церкви Волоской на богослуженю, на котром присутствовала генералиция окупационной армии, держит проповідь, котрой содержанє таке, што именно галицка униязка церков правдиво православна, а православие в Росии, то царске и „казьонне” православие. Того уж было за много и ненавистным „москалям”. Интерновали графа и вывезли в Росию, где помістили в монастырі и добре кормили. Не гнали однак піхотом под дикый рев роз'юшеной толпы, не везли в товарных вагонах и не били прикладами ни нагайками, але позволили взяти до товариства и капеляна и служащего, и всьо, што нужно, повезли, як человека и не знущали ся.

А коли сукраинищенный граф отгравал с отвітном позом ролю мученика по власной волі, тогда за жертвами Талергофа и вїденских воєнных тюрем вставляли ся польскы епископы: Бильчевский, Пузына, польскы послы вїденского парламента, незабвенной памяти Баранский, Осташевский и ген. Бачинский.

Повернул митрополит из „царської неволі”, але без лаврового мученического вінка, бо мимо того, што украинска преса и сфанатызована украинска толпа одарила єго шумным тытулом „царського вязня”, заграничны газеты (поза німецкыма) здерли с єго головы вінец мученика и выказали, што вело ся єму в той неволі лучше, як пересічному человеку на волі и што трактовано єго там с полным респектом.

Сама назва „царського вязня”, яку надали єму украинскы „писаки” и „єгомосці” штонайменьше смішна и неумістна. Бо циц цар поручил єго арестовати, або в своем дворци казал єго вязнити? Ци цар взагалі колинибудь интересовал ся ним? Ци был он претендентом до царского престола и в звязи с тым был арестованный? Ни одно, ни друге, ни третє. Цар и не знал, што существуетє граф Шептыцкий и ним ся николи не интересовал. Єст то просто самообман толпы, котра хоче медже собом мати героя и тому глядат єго на право и ліво, глядат медже собом пророка и находит.

Бо такой самый тытул „царського вязня” належал ся президенту Львова, Рutowскому и многим иншим котрых арестовано и до Росии вывезено, а преця никому не пришло до головы называти их царскыма вязнями. Врешті таксамо каждого талергофца можна бы назвати „цисарским вязнем” а тых котрых на смерть во Відні засуджено „цисарскыма арестантами”.

До графского тытула пасує лем прикметник: царский або цисарский, а если не царский адютант, не царский генерал, не царский маршал—то хоц „царський вязень”.

Уже перед войном, коли всі епископскы престолы были обсажены украинцами, исполнило ся на нашей скорі тото библійне сравненє, што легче верблюду пройти через ухо иглы, як руснакови достати ся на теологию. Прямо никого не принимали, и не было на тото рады, не было ратунку.

Понятна річ, што в таких условиях ряды русского духовенства малі, ряды украинского возростали. Медже духовенством закоренила ся система лизунства, денунциаций и уподленя. Тоты прикметы стелили дорогу до достоинств и добрых парохий.

(Продолженє в слід. числі).

потребный, бо так церков як и всі парохіяльні будинки в Крыниці побудовал своим коштом пок. о. пралат Жегестовский, котрый оставил также фундацію в виді двох виль в Крыниці Здрою, с котрых доходы мали поберати парохы Крыницы и уряджати два раз в року поминальны богослуженя за душу бл. п. О. Пралата. Через вывласненє пропали фундації и память о добродіи цілою Крыницы иде в забытє. До того допустити не можна и треба конечно обновити знищены фундації через выбудованє отвітных домов. Забудованє гдекотрых площ єст и прото потребне, же грозит им вывласненє.

Крыничане.

Украинска культура в Пантной!

(Рускы до Воловца!)

Вже от кількох літ, головно от открыта читальні „Просвіти” в Пантной начала ся украинска культурна праца, котрой результаты постарам ся коротко описати.

Открыто в нас читальню „Просвіти” заложено кооператыв „Лемківська Земля” до котрой попередный о. Д. И. Пляскевич с дяком І. Кундратом насилу притігали всіх, кажучи, што ту каждый научит ся украинской культуры. И уж здавало ся, што рускый дух заузме цілком в Пантной. Бо як то засвідчил Асафат Гривна при розвязаню читальні „Просвіти” перед комісією контрольном с Горлиц, в Пантной всі сут украинцы. Тымчасом показало ся иначе, бо свідчило кількох членов, с котрых одны казали, што сут украинцы а други подавали себе за рускых. Видно, што тоты сознаня не злюбили ся украинчикам, бо ище того самого дня напала банда украинчиков с палками и каменями на безборонного И. Б. с гавканями „Рускы до Воловца!” Украинска культура в Пантной под проводом Асафатв Гривны и М. Гливы, котрый себе назвал Гитлером Украины. Банда украинчиков єст умундурована в мазепинкы. В церкви заміст плювати до сплювачкы, плюют на убраня рускых, копают ногами, кусают по руках. Тот пес С. Семаницькый сын Яцка покусал И. Б. по руках подчас богослуженя. Свідомы господары украинцы заміст упомнути, тішат ся што украинцы гором. Кількох господарей заказуют величати о. Шуфляду „Всіх Вас православных християн”, а за того, што не величал косили о. Шуфляду в поли. Так было через кілька неділь. Позднійше наши господары упомнули священника, штобы не вышмарял Божих слов с книжок. О. Шуфляд зачал знова величати, але цілком не выразно так, же с того выходило „Всіх Вас П-р-р-р.”

С трудом основано в нас читальню им. Качковского, котрой всіма силами хотіл перешкодити о. Шуфляд. Видячи, што она розвиват ся, робит банда напады с выкриками „Най жиє Украина”. Знова М. Глива и А. Гривна с бандом напали на нашу молодеж, котра забавляла ся на весілю у Николая Родка и хотіли перешкодити в забаві. В часі свят Р. Христового ходили украинцы с колядом по хатах, співаючи украинскы беребенді и робячи всім шкоды. Коляду — казали, що зберают то на церков то на книжки и газеты, але где тота коляда поділа ся, никто не знає. По собраню всей коляды собрала ся банда коло козака и под проводом Асафата Гривны, напали с друкками на руску молодеж, котра забавляла ся

в домі П. Молчана. Якийсь украинчик написал до „Нашого Лемка” в 4 числі, што рускы напали на колядников, хочачи отобрати им касу. Ты дописчику не отверай рот и не бреш нафальш, бо рускы не хотят пописовати ся вашом украинском культуром. В них ліпша культура, бо они ище не брешут! В третій день знова напала банда на Л. Ц. В ночи не дає банда украинофилов спати, выбивают окна; недавно выбито окна у одного господара, але ту окончила ся самоволя банды, бо полиция засадила атамана А. Гривну за желізны двері, где близко два місяцы сидил на качатах.

Так ты Пантнянска молодеже ци не стыд тобі, што ты вырекла ся своєю вірой и тых, котры не хотят того зробити, бєш палком!

Молодой Лемко.

ЛОСЄ ГОРЛИЦКОГО ПОВ.

В неділю 23. лютого отбыло ся у нас рочне обще собранє членов читальні им. М. Качковского. Саля читальняна красні удекорована портретами рускых писателей и будовничих О-ва Качковского, была переполнена членами и гостями так місцевыма як и здальша. На предложє г. Василя В. Карела председателем собраня выбрано г. Н. Юрковского, упр. шк. со Сквиртного, а секретарьом госпожу В. Курилло-Гайдову, упр. шк. с Клижковкы. Председатель поблагодаривши за выбор, представил, чим повинна быти читальня на селі, якы ей задачи и користи, а пак выразил признательность лосянам за их любов и привязанє до исторычного руского имени, за котре наш народ мужественно перетерпїл страшный Талергоф.

Потом говорил проф. Максимович с Горлиц о положеню нашего народа перед 100 реками и єго отродженю. Упомянул о „русской тройці” о 1848 р., а пак перешол до заслуг народного просвітителя о. Й. Науумовича, и значеня О-ва им. Качковского и читальень для нашего народа давно и тепер.

По тых бесідах школьны діти деклямовали красні выучены со своих читанок патриотычны вершикы.

Справозданє с діяльности читальні предложил г. Я. Дудра. В дыскусии забєрали голос г. Рогоц, г. Максимович и г. Жидяк. Показало ся, што аматорскый кружок ослаб, бо гдеякычлены єго хвильово выїхали с села, но єст надія на оживленє єго діяльности. Хор читальняный єст добре организованный и соспіванный хоц ніт дырыгента. Библиотеку в остатном році значно увеличено. До читальні приходят 3 газеты рускы и 1 украинска.

В дыскусии порушано тыж справу будовы великого читальняного дому. Г. Фекула выяснил, што справа тота єст на доброй дорозі, бо выбранный спеціальны комитет уж зачал свою діяльність. Єст отже надія, што в коротком часі наше Лосє буде мати отвітный дом с сальом театральном, бо дотепер мы тіснули ся на ганьбу. Часть фондов комитет уж собрал, а решту зберат. Маме надію, што не буде сознательного Лосяна, котрый не причинил бы ся своим лептом, ци працом до того святого для нас діла. На чужу помоч не ждїме!

До нового выділа читальні были выбраны: г. Василь Рогоц—предс., г. Юрко Шлянта—заст. предс., г. Стефан Трємбач—секр., Петро Евусяк—касиєром, Петро Фуртак—

библиот. и Петро Дутка и Василь Евусяк (мол.) заступниками. Контрольна комиссия выбрана в складі: Я. Дудра, П. Фекула и С. Шлянта.

Щасть Боже новому, молодому выділу в розвїтїю и укріпленю той одынокой народной, просвітительной станиці села! Высока культура лосян и их сознательность дают гваранцію, што так буде!

С в о й.

СЕЛО ЖДЫНЯ ГОРЛИЦКОГО ПОВ.

Барз сердит ся в послідных числах украинский „Наш Лемко”, што не удало ся гдеяким украинским духам устроити в нашом селі „политычный украинский курс шитя и крою. При той случайности безчестит „Наш Лемко” и членов выділа читальні им. Качковского, пишучи, што они всі „прозріли” и согласили ся дати поміщенє читальні на устройство украинского курса.

В дійстности было так, што оден украинский интеллигент выкористуючи своє становиско, подхватил одного члена выділа читальні Качковского, што тот дав єму лєчатку читальні на писмо в справі устройства курса, бо не знал, якый то має быти курс. Коли однак прочи члены выділа читальні о том узнали, спротивили ся тому.

Бо и по што вводити до села украинску агитаторку, котрой треба в додатку за агитацию платити, платити за того, штобы дітей научила родичей высмівати, коли можеме каждого часу устроити державный курс шитя и крою так, як устроили у себе климковяне, а тепер смєрековяне, где курс провадит фахова учителька а не агитаторка и провадит єго даром, а не наставлят руки за платньом.

Член читальні.

В ділі молотя жита и пшеницы.

Дня 31. січня т. р. вошло в житє зарядженє Министра Внутр. Діл с дня 20. січня 1936 (Дн. З. Р. П. Нр. 6. поз. 337), в силу котрого молотє зерна не єст обмежене.

Оборот муком регулює ся так, же:

- 1) Мука, Perezначена до консумции в містах мусит отвічати стандартам краєвых бирж,
- 2) Мішкы с муком мают быти заосмотрены в пльомбы и етыкету с поданєм назвы млына, гатунку муки и процентности вымолотя.

ЛЕМКОВСКЫ ПРИПОВІДКЫ:

- 1) Як малы діла выконаме добре, то уж робиме велике діло.
- 2) Ніт на світі лікара, штобы дал лікарство на глупоту.
- 3) Не треба жаловати того, што уж на все пропало.
- 4) Человік має розум для других, а для себе єст часто глупый.
- 5) Два глупы будут долше бесідовати, як два мудры.
- 6) Глупый не має страху, же втратит розум.
- 7) Покаль глупы будут на світі, мудры все медже нима хліб найдут.
- 8) И с глупых єст пожиток; оден глупый забавит товариство ліпше, як десятох мудрых.

Што чути в світі.

В Італії от яких 2-ох неділь ширит ся катастрофа злив, котра приберат штораз страшнійши розміри. Міста Севилля, Загора, Валлядолид, Валенція и други стоят под водом. Их улицы позаміняли ся в рвучи потоки, а площі в озера. 12.000 люда опустило свои помешканя загрожены затопленєм и глядат коморства.

Брукселя: До Брукселі приіхал 1.III. министр заграничных Діл Бек, котрого привитано незвычайно торжественно и сердечно.

Льондон: Король Едвард VIII. выголосил через радио бесіду до Народов Брытійской Империи. В бесіді той заявил король, же свои знаня и богатый житєвий дослід посвятит в цілі осягнення добробыта всіх граждан Вел. Брытаниі. Его желанєм єст обезпечити світу мир а народови ангельскому счастье и добробыт. Бесіду короля слухало перешло 200 миллионов граждан брытынских.

Відень: В Стырії упал жолтый сніг в великой масі. Метеорологы толкують того явленє, же жолту барву достає сніг от піска Сахары принесеного сильными вітрами полудневима.

Токио: Бунт войсковый в Японии здавлено цілковито без пролива кырви, бо всі революционеры поддали ся. 18-ох офицеров, котры в том бунті отогрывали ролю проводыров отобрало собі житє. — В попередном числі донесли мы, же революционеры убили премьера Окаду. Вість тота оказала ся неправдива и премьер Окада жиє. Вправді бунтовники напали на его дворец с наміренєм убийства, але через ошибку убили его швагра полковника Матсуи. Родина его вынесла Окаду разом с тілом убитого швагра и таким способом вырвал ся с дому, занятого через бунтовников.

В Москві помер знаменитый ученый физиолог Д-р. Павлов.

Рыга: Вождь Красной армии на Далеком Востоді маршал Блехер выдал приказ своему войску. Медже иншим заявил он, што угроза оружного нападеня лежит над границами Совітов и што забава с огнем vzdолж совітских границ далеко-восточных не устає. Прото Блехер завзывает, штобы армия была готова в каждую годину и в каждую минуту дати мяжджучий отпор.

Чехословакия згодила ся на будову совітских летниск на своій території и на поміщенє совітских войск на тых летнисках.

Льондон: Рикет, котрый достал велику концессию нафтову в Абисынии, выіхал до Риму яко посередник медже Муссолиним и негусом в ділі начатя мирных пертрактации.

Аддис-Абеба: Негус повідомил абисынске правительство, же зрече ся королевского престола, если тото буде потребне для добра народа и державы. В отвіт на тото выслано до негуса зборну депешу подписану министрами, начальниками войск и свя-

щенство с просьбом, штобы не оставил край и народ, котрый єст с ним звязанный на смерть и житє.

Прага: Министерство Внутр. Діл в Чехословакии отшмарило просьбу о затвердженє статута одного карпаторуского Т-ва просвітительного прото, бо Т-во подало яко внутренний язык нарад язык украинский. Отказ мотывовано тым, же чехословацкы власти не знают языка украинского.

В Нью-Йорку выбухнул штрайк послугачей при виндах. Дошло до столкновень медже полициом и штрайкуючими. Штрайкуючи співали революційны пісні. Арестовано 75 людей.

Вісти с краю.

Зміна пароха в Злоцком. Апостольский Администратор суспендовал на основі папского декрета „maxima cura“ пароха Злоцкого, о. Йоана Качмара „ab officio et beneficio“. Суспензию вручил О. Качмару О. Декан Венгрынович дня 20. лютого т. р. По одержаню суспензии поіхал о. Качмар до Перемышля до епископской консыстории, а оттамаль до Варшавы до Нунциатуры, котра отравила его до Рыманова, где приіхал дня 29.го лютого, просячи милости у Апостольского Администратора. Суспензия єст дальше в силі. Администрацию прихода в Злоцком достал часово о. Йоан Тылявский.

Реколлеции для гр. кат. клира Лемковщины. В Рыманові отбыли ся духовны упражнения (реколлеции) для священников Ап. Адм-ции в двух сериях (от 17 — 21 лютого и от 24—28. лютого 1936). Науку преподавал О. д-р Иосафат Скрутень Ч. С. В. В. професор богословской Академии во Львові. В реколлециях приняло участь 60 священников.

Монахы на Лемковщині. С днем 1 квітня 1936 открыват ся во Флорынкі на приходстві монаший чин О. О. Студытов, початково с трома монахами. Монахы будут учить людей ремесла.

Апостольский Администратор хворый. Апостольский Администратор захворил тяжко и лежит в постели. Дня 29. лютого приіхал до него лікар с Устрик, д-р Владимир Гукевич и нашол у него тяжку и грозну хвороту грудей и сердца. Стан поправил ся, але Апост. Адм. мусит што найменше три неділі пролежати в постели и оставати на стислой диеті.

В найблизших днях выйде с друку Шематизм клира Ап. Администратии Лемк. в великом обємі. Б шематизмі поміщена история Ап. Админ., история каждой парохии сокрема и фотограф. снимкы церквей и приходских домов. Шематизм уложеный интересно.

В неділю, дня 22. марта о год. 13-ой буде співати до Польского Радио во Львові лемковский хор с Крыницы под проводом г-на Ропицкого.

Варшава: Мин. Пров. зарядило, штобы дня 19-го марта науки в школах не было. В том дні маот отбыти ся богослужения и академии организованы через молодеж в цілі отданя чести Маршалу. П. Президент выголосит дня 18.III. через радио бесіду, котра дня 19-го о год. 12-ой буде повторена через всі радиорозголосителі.

Варшава: В звязи с предложенєм непозваляти на ритуальный убой звірят, союз рабинов в Польщі проклямовал дня 5. марта острый пост для жидов на цілом світі.

Варшава: Сталин заявил, што если Япония заатакує Республику Монгольску, (Монголия Внішна) то Совіты поспішат ей с помочом.

Новый Санч: На конференции дня 3.III. отбытой в Старостві при участии представителей різников, усталено ціну мяса волового для цілого повіта кромі Нового Санча и Крыницы на 80 гр. за 1 кг.

ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО“

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

заасекурує ся
в асекураційном Товаристві

Вита и Краковске
во ЛЬВОВІ

Асекурацию принимают на цілой Лемковщині
представителі: гг. Осиф Яновицкий — Крыница-Село и Михаил Перелом — Сянок.